



UNIVERSITÄTS-
BIBLIOTHEK
PADERBORN

Universitätsbibliothek Paderborn

Lignvm Vitae, Ornamentum, & Decus Ecclesiae

In Qvinqve Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

Wion, Arnold

Venetiis, 1595

Scriptores Ecclesiastici, Ordinis Mo[n]tis Virginis. cap. LVIII.

urn:nbn:de:hbz:466:1-38372

Episcopi Ordinis Montis Virginis. Cap. LVI.

SANCTVS Amatus ex familia Forma, nobilis Nuscensis, Monachus primum Montis Virginis, deinde Episcopus ciuitatis sue Nusco, creatus circa annum Domini 1160. ab Alexandro Papa III. præfuit in omni sanctitate annis plus minus 33. & miraculis clarus obiit anno Domini 1193. ætatis sue 39. pridie calendas Septembris.

Domnus Ruggierus, vel Rogerius Giesualdus, Monachus Montis Virginis & Episcopus Nusci: floruit anno 1224.

Sancti & Beati, Ordinis Montis Virginis. Cap. LVII.

SANCTVS Gulielmus, fundator Ordinis de quo supra.

Sanctus Amatus Episcopus Nusci, de quo iam diximus.

Sanctus Donatus de Ripacandida, Monachus Montis Virginis, anno ætatis sue 14. ad conversionem accedens, spatio sex annorum ita perfectionis totius summam arripuit, ut moriens anno ætatis sue 19. die 17. Augusti, Sanctorum cœtui coniungi, & eorum Catalogo adscribi dignus fuerit. Floruit anno Domini 1170.

B. Albertus Abbas, Sancti Gulielmi successor, vixit anno 1140.

Beatus Ioannes Abbas Montis Virginis, obiit 12. Maii.

Beatus Pascasius Abbas: cuius corpus quiescit in Monasterio Montis Virginis, & digno recolitur honore.

B. Iodochus Palmerius Monachus Montis Virginis, obiit 8. Febr.

Scriptores Ecclesiastici Ord. Montis Virginis, Ca. LVIII.

RELIX Renda, Monachus, & Prior Montis Virginis scripsit,

Vitam S. Gulielmi fundatoris
Montis Virginis

Vitã S. Amati Episcopi Nusci.

} impresse an.

Ioannes Nuscensis, Monachus Montis Virginis, qui uixit anno 1200. Scripsit,

Vitam

Vitam S. Gulielmi institutoris sui Ordinis, quam extare refert
Thomas Costa, in vita S. Donati Monachi.

Item de quarto Stellato S. Ioanne Meda Comensi, fun-
datore Monachorum, Ordinis Humiliatorum.

Cap. LIX.



Avis Ordo in quarto Stellato significatus est Hu-
miliatorum qui primum exules extiterunt Lombar-
di, maxima ex parte Mediolanenses, hi à Cunrado
Cæsare (sive ut aliis placet ab Henrico Claudio, uel
Fridérico Anobarbo Imp. diuersorū enim, diuer-
sæ sunt sententiæ) propter coniurationes initas in
Germaniam relegati, & exilio mulctati perpetuo, exilij tandem sui
eos tædere cepit. Quos cum calamitas Deo propinquos simul cum
eorum uxoribus fecisset, communi consensu tam uiri, quam mulieres
vestibus albis induti, Guidone Mediolanense huius rei Duce præcep-
te, sæpe sæpius Henricum II. Imp. Suppliciter flexo poplite rogaue-
runt, ut propter Dei amorem sibi in patriam remeare liceret. Quod
cum tandem impetrassent anno Domini 1046. nobilissimi uiri in eo-
dem habitu, Deo summa pietate, sanctè, ac castè Mediolani seruien-
tes, in unumq; coeuntes, exercitio Lanaricæ artis, iuxta illud Dauidicis
Labores manuum tuarum, quia manducabis, Beatus es, & benè tibi
erit, sibi uictum comparare inceperunt: & pristinam uitæ formulam
retinentes, separato coniugio, & amictu, non coloris, sed alterius for-
mæ sumpto (erat autem tunica talaris præcineta, cum scapulari, & ca-
putio angusto, pallium ad terram usque protensum, sed in utroque la-
tere apertum, & pileus rotundus) eodemq; usque ad hæc nostra tem-
pora usi, semimonachosi quodammodo agere cœperunt. Quibus de
uirtute in uirtutem in dies proficientibus, atque aliis ad eos se appli-
cantibus, auctos sequentibus annis, disciplina S. P. N. Benedicti, San-
ctus Ioannes Meda Comensis astrinxit. Ordinem sub nomine Hu-
miliatorum, Apostolica Innocentij Papæ III. auctoritas comproba-
uit, & multis Priuilegijs auxit, anno Christi 1200. Eorum prima Se-
des ad locum, Rondinctum uocatum, non procul à Ciuitate Comen-
si, locata: quæ inde in plures familias, ac præposituras dilatata, viros
Sanctitate & doctrina claros protulit, uti in sequentibus patebit.

Prepositi